

عاشورا پیامی نین اینتیقالی نین آغیرلیغی، کیشیلردن چوخ آروادلارین چیگنیده دیر

شرقی آذربایجان ایسلامی تبلیغات کول مودیری عاشورا پیامین اینتیقال وئرماقدا آروادلارین نقشین کیشیلردن چوخراق و موهوراق بیلدی.

شرقی آذربایجانین ایسلامی تبلیغات کول اداره سی عمومی رابطهلری نین گوزارشینه گؤره، حجت الاسلام حمید عظیمی خانیم موبلیغلر و خانیملارین عزادارلیق سیره لری نین جمعینده دئدی: ایمام حسین (ع) و کؤمکلری نین شهادتیندن سونرا حضرت زینب سلام الله علیهانین ریسالتی چوخ حساسیدی. نیه کی دوشمن چالیشیردی هر یولوناندا اولسا عاشورا حادیثه سی خبرین سانسور ائله سین. او دئدی: حضرت زینب (س) دینی غیرتی و رشادت، کوفه و شامدا بنی امیه نین توطئه لری نین اوسوتون آچماقدا، باعیت اولدو تا بو منحوس طایفانین ایمام علی (ع) ین ائولادی و شیعه لرین علئیه نه یارالان یالان سس-کویلر ایغشا اولسون. اوستانین ایسلامی تبلیغات کول مودیری آرتیردی: خانیملارین ایندیکی عصرده وظیفه لری بودور کی بو شرفلی خانیمدان تبعیت ائله ماغینان ایماملارین یولون ایدامه وئره لر و بو فرهنگي اؤز اوشاقلارینا اینتیقال وئره لر. عظیمی دئدی: بو فرهنگین دیری ساخلاماسی و بو ایسلامی و تاریخی حادثه یه بیدعتلرین گلمه سی نین قاباغین آماق باعیت اولاجاق تا ایمام حسین (ع) قانی همیشه قایناسین و جوانلارین روحوندا ایثار و شهادت حیستی و ایندیکی عصرین حادیثه لرین عالیمانه برخورد ائله ماق روحی دیری قالسین.